

পরিচালকদের সংক্ষিপ্ত জীবন-বৃত্তান্ত

মিজ্ হাছিনা আক্তার
চেয়ারপারসন



হাছিনা আক্তার চট্টগ্রাম বিশ্ববিদ্যালয় থেকে ১৯৮৫ সালে ব্যবস্থাপনা ডিসিপ্লিনে স্নাতক সম্মানসহ স্নাতকোত্তর ডিগ্রি অর্জন করেন। দি ইনস্টিটিউট অব ব্যাংকার্স, বাংলাদেশ থেকে ব্যাংকিং ডিপ্লোমাসহ পেশাগত দক্ষতা অর্জনে বিভিন্ন বিষয়ে প্রশিক্ষণ গ্রহণ করেন। ইনভেস্টমেন্ট কর্পোরেশন অব বাংলাদেশ (আইসিবি) এর মহাব্যবস্থাপক হিসেবে বর্তমানে অপারেশনস্ ও আইসিটি এন্ড ডিপোজিটরি উইং-এ দায়িত্বরত। আইসিবিতে তাঁর সুদীর্ঘ ৩৪ বছরের কর্ম অভিজ্ঞতা রয়েছে। বর্তমানে আইসিবির মনোনীত পরিচালক হিসেবে আরামিট থাই এ্যালুমিনিয়াম, সুরাইয়া মান্নান এগ্রো ফিসারিজ লিঃ, হাসনাবাদ ডেইরী প্রোডাক্টস্ লিঃ এবং আজিজ পাইপস্ লিমিটেড এর পরিচালক হিসেবে দায়িত্বরত রয়েছেন। কোম্পানির পরিচালনা পর্ষদের ২৪০তম সভায় গৃহীত সিদ্ধান্ত মোতাবেক তিনি চেয়ারপারসন হিসেবে দায়িত্ব পালন করছেন।

মোহাম্মদ আব্দুল হালিম
উদ্যোক্তা পরিচালক



মোহাম্মদ আব্দুল হালিম, উদ্যোক্তা পরিচালক হিসেবে আজিজ পাইপস্ লিমিটেডের দায়িত্ব পালন করছেন। তিনি অর্থনীতি বিষয়ে জাহাঙ্গীর নগর বিশ্ববিদ্যালয় থেকে ১৯৭৫ সালে সম্মানসহ স্নাতক ও স্নাতকোত্তর ডিগ্রী লাভ করেন। তিনি বিভিন্ন ব্যবসা ও শিল্প প্রতিষ্ঠান প্রতিষ্ঠা করেছেন। এক্ষেত্রে তার দীর্ঘ ৪৪ বৎসর অভিজ্ঞতা আছে। তিনি প্রথম বেসরকারী ব্যাংক, ন্যাশনাল ব্যাংক লিমিটেডের সাবেক পরিচালক ছিলেন।

মোহাম্মদ আহসান উল্লাহ
উদ্যোক্তা পরিচালক



মোহাম্মদ আহসান উল্লাহ আজিজ পাইপস্ লিমিটেডের একজন উদ্যোক্তা পরিচালক। তিনি বাংলাদেশ প্রকৌশল বিশ্ববিদ্যালয় থেকে ইলেকট্রিক্যাল বিষয়ে বিএসসি ইঞ্জিনিয়ারিং ডিগ্রী লাভ করেন। বর্তমানে তিনি বিদেশে অবস্থান/বসবাস করছেন।

মোহাম্মদ আসাদ উল্লাহ
পরিচালক



মোহাম্মদ আসাদ উল্লাহ বিএসসি ইঞ্জিনিয়ারিং পাশ করেন এবং অহিও স্টেট ইউনিভার্সিটি, ইউএসএ থেকে কেমিক্যাল ইঞ্জিনিয়ারিং ডিগ্রী লাভ করেন। তিনি আজিজ পাইপস্ লিমিটেডের একজন পরিচালক। বর্তমানে তিনি বিদেশে অবস্থান/বসবাস করছেন।

খন্দকার নূরুজ্জামান

স্বতন্ত্র পরিচালক



খন্দকার নূরুজ্জামান ১৯৭৫ সালে জাহাঙ্গীরনগর বিশ্ববিদ্যালয় থেকে অর্থনীতিতে সম্মানসহ মাস্টার্স ডিগ্রী এবং বিটিএ স্কলারশীপ পেয়ে যুক্তরাজ্যের ব্রাডফোর্ট বিশ্ববিদ্যালয় থেকে উন্নয়ন অর্থনীতি বিষয়ে এমএসসি ডিগ্রী লাভ করেন। তিনি বাংলাদেশ প্ল্যানিং কমিশনের কার্যক্রম বিভাগের প্রধান হিসেবে ২০১৪ সালে অবসর গ্রহণ করেন। কর্মকালীন সময়ে তিনি যুক্তরাষ্ট্র, যুক্তরাজ্য, অস্ট্রেলিয়া, জাপান, চীন, সিঙ্গাপুর, থাইল্যান্ড, ফিলিপাইন, ইন্দোনেশিয়া, বেলজিয়াম, ফ্রান্স এবং ভারতসহ বিভিন্ন দেশে পেশাগত প্রশিক্ষণ গ্রহণ করেছেন। বিভিন্ন মন্ত্রণালয়ে তাঁর সুদীর্ঘ ৩৬ বছরের কর্ম অভিজ্ঞতা রয়েছে। বিদ্যুৎ, জ্বালানী ও খনিজ সম্পদ এবং শিল্প মন্ত্রণালয়ে চাকুরীকালীন সময়ে তিনি বিভিন্ন সরকারী কোম্পানির বোর্ডে সরকার কর্তৃক মনোনীত পরিচালক হিসেবে দায়িত্ব পালন করেন। বর্তমানে তিনি আজিজ পাইপস্ লিমিটেডের স্বতন্ত্র পরিচালক এবং কোম্পানির নমিনেশন অ্যান্ড রিমিউনারেশন কমিটির চেয়ারম্যান হিসেবে দায়িত্ব পালন করছেন।

মোঃ নূরুল হক

স্বতন্ত্র পরিচালক



মোঃ নূরুল হক ঢাকা বিশ্ববিদ্যালয় থেকে ব্যবস্থাপনা বিষয়ে ১৯৬৯ সালে স্নাতকোত্তর ডিগ্রী লাভ করেন। তিনি ১৯৭০ সালে তদানিন্তন হাবিব ব্যাংক লিমিটেডের প্রধান কার্যালয় করাচিতে অফিসার হিসেবে কর্মজীবন শুরু করেন। তিনি অগ্রণী ব্যাংক লিমিটেডের বিভিন্ন শাখায় গুরুত্বপূর্ণ পদে নিয়োজিত থেকে ২০০৩ সালে উপ-মহাব্যবস্থাপক পদ থেকে অবসর গ্রহণ করেন। ইহা ছাড়াও তিনি ডাচ বাংলা ব্যাংক লিমিটেডের সিনিয়র ভাইস প্রেসিডেন্ট হিসেবে দায়িত্ব পালন করেছেন। ব্যাংকিং সেক্টরে তার সুদীর্ঘ ৩৭ বৎসরের কর্ম অভিজ্ঞতা রয়েছে। কর্মজীবনে তিনি যুক্তরাষ্ট্র, থাইল্যান্ড, হংকং, পাকিস্তান ও ভারতে পেশাগত প্রশিক্ষণ গ্রহণ ও সফর করেছেন। বর্তমানে তিনি আজিজ পাইপস্ লিমিটেডের স্বতন্ত্র পরিচালক এবং কোম্পানির অডিট কমিটির চেয়ারপারসন হিসেবে দায়িত্ব পালন করছেন।

এস. এম. হেমায়েত উদ্দিন

ব্যবস্থাপনা পরিচালক



এস. এম. হেমায়েত উদ্দিন, ঢাকা কলেজ থেকে ১৯৭৩ সালে বিএসসি ডিগ্রী লাভ করেন। ঢাকা টিচার্স ট্রেনিং কলেজ থেকে ১৯৭৬ সালে প্রথম বিভাগে বিএড ডিগ্রী লাভ করেন। পরবর্তীতে তিনি এসিয়ান ইউনিভার্সিটি অব বাংলাদেশ (এইউবি) থেকে ২০০৪ সালে ফিন্যান্স এন্ড একাউন্টিং এ এমবিএ ডিগ্রী লাভ করেন।

তিনি ১৯৭৭ সালে প্রোবেশনারী অফিসার হিসেবে উত্তরা ব্যাংক লিঃ এ কার্যক্রম শুরু করেন এবং ১৯৮২ সালে একই ব্যাংকে বিভিন্ন শাখায় শাখা ব্যবস্থাপক হিসেবে ৬ বছর দক্ষতার সাথে দায়িত্ব পালন করেন। ১৯৮২ সালে তিনি ইসলামী ব্যাংক (বিডি) লিঃ এ শাখা ব্যবস্থাপক হিসেবে বিভিন্ন শাখায় ১৯৯৫ সাল পর্যন্ত দায়িত্ব পালন করেছেন। অতপর ১৯৯৫ সালে এসিস্ট্যান্ট ভাইস প্রেসিডেন্ট হিসেবে সোস্যাল ইসলামী ব্যাংক লিঃ এ যোগদান করে ২০০৭ সালে ভাইস প্রেসিডেন্ট এবং সর্বশেষ এক্সিকিউটিভ ভাইস প্রেসিডেন্ট হিসেবে প্রিন্সিপাল শাখার ব্যবস্থাপক এবং প্রধান কার্যালয়ে বিনিয়োগ বিভাগ এর প্রধান হিসেবে দায়িত্ব পালন করেন। ২০০৭ সালে থেকে ২০১১ সাল পর্যন্ত প্রিমিয়ার ব্যাংক লিঃ এ এক্সিকিউটিভ ভাইস প্রেসিডেন্ট হিসেবে আত্মবাদ শাখার ব্যবস্থাপক ও প্রধান কার্যালয়ের ক্রেডিট এডমিনিস্ট্রেশন ডিপার্টমেন্ট এর প্রধান হিসেবে দায়িত্ব পালন করেন। তিনি ২০১৩ সাল থেকে ২০১৬ সাল পর্যন্ত স্ট্যান্ডার্ড ব্যাংক লিঃ এ চুক্তিভিত্তিক এক্সিকিউটিভ ভাইস প্রেসিডেন্ট এবং ধানমন্ডী শাখা ব্যবস্থাপক হিসেবে কাজ করেছেন। ব্যাংকিং সেক্টরে তার সুদীর্ঘ ৪২ বছরের কর্ম অভিজ্ঞতা রয়েছে। চাকুরীকালীন সময়ে তিনি বিভিন্ন ট্রেনিং গ্রহণ করেছেন এবং দেশ ও বিদেশে ভ্রমণ করেছেন। তিনি গত ২১ ডিসেম্বর ২০২১ তারিখ থেকে আজিজ পাইপস্ লিঃ ব্যবস্থাপনা পরিচালক হিসেবে দায়িত্ব পালন করছেন।